

## **ODLUKA**

**O PRIHVATANJU ZADUŽENJA PO SPORAZUMU O ZAJMU IZMEĐU  
MEĐUNARODNE BANKE ZA OBNOVU I RAZVOJ I BOSNE I  
HERCEGOVINE ZA FINANSIRANJE PROJEKTA OTPORNOST I  
KONKURENTNOST U POLJOPRIVREDI**

Na osnovu člana 40. stav 5. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09, 44/10 i 30/16), Parlament Federacije Bosne i Hercegovine je, na sjednici Predstavničkog doma, održanoj 16.2.2023. godine i na sjednici Doma naroda, održanoj 16.2. 2023.godine, d o n i o

## **ODLUKU**

### **O PRIHVATANJU ZADUŽENJA PO SPORAZUMU O ZAJMU IZMEĐU MEĐUNARODNE BANKE ZA OBNOVU I RAZVOJ I BOSNE I HERCEGOVINE ZA FINANSIRANJE PROJEKTA OTPORNOST I KONKURENTNOST U POLJOPRIVREDI**

#### **I.**

Prihvata se zaduženje Federacije Bosne i Hercegovine (u daljem tekstu: Federacija BiH) po Sporazumu o zajmu između Međunarodne banke za obnovu i razvoj (u daljem tekstu: IBRD) i Bosne i Hercegovine (u daljem tekstu: BiH) za realizaciju Projekta Otpornost i konkurentnost u poljoprivredi (u daljem tekstu: Projekat) u iznosu do 30.700.000,00 EUR-a od ukupno 61.400.000,00 EUR-a, odobrenih za Bosnu i Hercegovinu.

#### **II.**

Sredstva zajma iz tačke I. ove odluke koristit će se za finansiranje Projekta Otpornost i konkurentnost u poljoprivredi. Primarni cilj Projekta je jačanje poljoprivrednih informacionih sistema, pružanje podrške za poljoprivredu otpornu na klimatske utjecaje, jačanje lanaca vrijednosti i razvoj produktivnog partnerstva, unaprjeđenje sistema navodnjavanja i odvodnje u svjetlu prilagođavanja na klimatske promjene, jačanje standarda kvaliteta i sigurnosti hrane, jačanje IT sistema u svrhu povećanja sigurnosti hrane kako bi se izvršilo usklađivanje i ispunjavanje zahtjeva EU, te pregled i dogradnja veterinarskih IT sistema, dogradnja fitosanitarnog sistema i sistema za sigurnost hrane.

#### **III.**

Sredstva zajma iz tačke I. ove odluke odobravaju se Federaciji BiH pod sljedećim uslovima:

- iznos zajma.....30.700.000,00 EUR
- rok otplate.....32 godine
- grace period.....7 godina (uključen u rok otplate zajma)
- kamatna stopa.....šestomjesečni EURIBOR + fiksna marža
- jednokratna provizija.....0,25 % na iznos glavnice zajma
- dospijeća.....polugodišnje u jednakim otplatama glavnice
- datum plaćanja glavnice i kamata.....15. januar i 15. juli svake godine
- provizija na nepovučeni iznos zajma.....0,25 % godišnje.

#### **IV.**

Potvrđuje se da je razmatrana dokumentacija prihvatljiva za Federaciju BiH, a posebno:

- Zapisnik sa pregovora;
- Nacrt Sporazuma o zajmu između IBRD-a i BiH;
- Nacrt Projektnog sporazuma između IBRD-a i Federacije BiH.

#### **V.**

U periodu implementacije Projekta, u budžetu Federacije nije potrebno osigurati finansijska sredstva za dodatno sufinansiranje Projekta.

Projekat će implementirati Jedinica za implementaciju projekta, formirana pri Federalnom ministarstvu poljoprivrede, vodoprivrede i šumarstva.

#### **VI.**

Daje se saglasnost za zaključivanje Supsidijarnog sporazuma između BiH i Federacije BiH za sredstva zajma iz tačke I. ove odluke.

Za potpisivanje Supsidijarnog sporazuma ovlašćuje se federalni ministar finansija.

#### **VII.**

Za realizaciju ove odluke i izvještavanje zadužuju se Federalno ministarstvo finansija i Federalno ministarstvo poljoprivrede, vodoprivrede i šumarstva, Jedinica za implementaciju projekta, svako u okviru svoje nadležnosti.

#### **VIII.**

Implementacija Sporazuma iz tačke I. ove odluke ne zahtijeva donošenje novih ili izmjenu postojećih zakona.

#### **IX.**

Ova odluka stupa na snagu narednog dana od dana objavljivanja u "Službenim novinama Federacije BiH".

PF broj: 01, 02 - 02-1823/22

16. 2. 2023. godine

Sarajevo

**PREDSJEDAVAJUĆA  
PREDSTAVNIČKOG DOMA  
PARLAMENTA FEDERACIJE BiH**

Mirjana Marinković - Lepić

**PREDSJEDAVAJUĆI  
DOMA NARODA  
PARLAMENTA FEDERACIJE BiH**

Tomislav Martinović